

LA CARTA DEL APÓSTOL SAN PABLO A LOS EFESIOS

Pablo escribe a la iglesia de Efeso

1 Y_u Pablo, Jesucristo ye quetire cabuio teñari majoc_u y_u ã to bairo Dio y_ure c_u carotiro mena. To bairi ati p_uuro y_u queti joo Dio yarã Efe-sop_u cānare Jesucristore caroaro caapi n_uc_ub_ugo ujarãre. **2** Caroaro warifūuriquere c_u joato mani Pac_u Dio m_ujaare. Mani Upa_u Jesucristo quena to bairona m_ujaare caroare c_u joato.

Bendiciones espirituales en Cristo

3 Caroa_u majuu ãmi Dio mani Upa_u Jesucristo Pac_u. Mani joomi caroa macaje nipetiri wame jō bui macajere, Cristo mena macana mani cāno maca. **4** Ati yepa c_u cátiparo j_ugoyep_una mani cabejeyupi Dio, “Caroarã, cabai bui c_utiquēna ãma,” c_u caĩ t_uj_uparãre. Jesucristo manire c_u cabai yajibojapere ñi to bairona manire cabejeyupi Dio c_u yarã cāniparãre. **5** Tir_um_up_una mani cat_ugooña maji j_ugoyeyeyupi Dio mani cānipere. “Y_u Mac_u Jesucristo nare c_u cabai yajibojaparo ñi y_u punaa y_u majooricarãna anigarãma,” caĩ t_ugooña j_ugoyeyeyupi Dio manire. Caroaro manire mairi to bairona c_u yarã cāniparãre mani cabooyupi Dio. **6** To bairi Diore, “Caroaro majuu j_ure m_u átiboja,” j_u ñinucu to bairo caroaro manire c_u camai t_uj_urijere t_ugooñari. C_u Mac_u Jesu c_u camai majuucõa_u yarã mani cāno maca caroaro mani mai t_uj_umi Dio.

7-9 Seeto majuu mani camai tujuyupi Dio manire. Seeto majuu mani mai tujuri cu Macure cajooypyi cu riire manire care yajibojapare. Caroorije mani cátiere manire cawapayebojayupi Dio Macu. To bairi Cristo mani ye wapa cu carií re yajibojaro maca mani majiriobojami Dio caroorije mani cátiere. Nipetirije caroaro catugooña majii aniri mani camajare cu cátibojapere mani camajioñupi Dio yucura, cajugoyepu camajare na cu camajioquetajere. Cristo jugori manire cu cátibojapere mani camajioñupi Dio yucura. **10** To bairi cu yara cu tupu manire cu cajee neope quenare mani camajioñupi Dio. “To cõona na yu jee neogu,” cu caí cûrica rumu cânopu to bairona manire jee neogumi. Manire jee neo átiri to cõona nipetirijere carotiire cu cûgumi Dio cu Macu Cristore. Ati umurecoo macanare cajugo anipaure, ati umurecoo macaje nipetirijere carotiire cu cûgumi Dio Cristore.

11 To bairi mani quena Cristo mena macana aniri cu mena caroare cacugoparã mani ã mani quena. Cajugoyepuna to bairona caroare cacugoparãre manire cacuñupi Dio. Nipetirije, “To bairona cátipe ã,” cu caí tugooñari wame cõona cátipeou ãmi Dio. To bairi, “Cristo mena câniparã na cânipe boo,” í tugooñari to bairona Cristo mena caroa macajere wariñuurique cacugoparãre mani cacuñupi Dio manire. **12** To bairi, “Caroaro majuu jãre mu átiboja,” Diore mani caí wariñuu anicõapere cabooypyi Dio. Jã judío majaa maca aperã jugoye Cristore catugooñarã jã cãmuu. **13** Jã bero muja caapiyupa muja quena judío majaa câniquêna Jesu ye quetire, cariapena câniere.

Apirā mūja caapi nūcūbūgo ujawā mūjaare cū canetoo catiopere. Tie cañitoquētiere mūja caapi nūcūbūgoro Dio cū Espíritu Santore cajooyupi mūja quenare. Cajugoyepāna, “Yu Espíritu Santore yūre caapiñjarāre na yū joogū,” cañ cūñupi Dio. To bairona cū cañ cūricarore bairona mūja cajooyupi Dio cū Espíritu Santore, yū yarā majuu āma ñi. ¹⁴ To bairona cū Espíritu Santore mani cajooyupi Dio. To bairi cū Espíritu Santore manire cū cajooro majirā ocōo bairi wame quenare mani ī maji: “Mani ye bui cawapayebojaricū aniri caroare mani joonemogūmi. Caroa cānicōa aninucupere mani joogūmi,” mani ī maji. To bairi, “Caroa majuu jāre mū átiboja,” cū mani ī wariñuunucu Diore.

Pablo pide a Dios que dé sabiduría a los creyentes

¹⁵ Mani Upaū Jesure caroaro mūja caapiñja nūcūbūgorijere yū caqueti apinucuwā. Aperā nipetirā Jesure caapiñjarāre na mūja camairije quenare yū caqueti apinucuwā. ¹⁶ To bairo caroaro mūja cāno queti apii Diore jeniri yū jenibojanucu mūjaare. “Seeto majuu ñuu caroaro Efeso macana na cānie,” Diore cū yū ī wariñuunucu. ¹⁷⁻¹⁸ Camaja nipetirā caroaro majuu na cátí nūcūbūgopau āmi Dio, mani Upaū Jesucristo Pacū. Cārena mūjaare yū jenibojanucu ocōo bairi wamere: “Dio, jā Pacū, na yeripū api majiriquere na mū joowa caroaro majuu māre na camajiparore bairo. Mū yere camajare na mū camajiogari wamere api majiriquere na mū joowa,” Diore cū yū ī jeninucu. “Dio,

mã cabejericarãre caroaro jã mã cátibojapere na majiato Efeso macana. Caroaro majuu wariñuuriquere mãre caapiñjarãre mã cajoope quenare na tãgooña majiato Efeso macana.

19-20 Cáti majii majuu aniri mãre caapiñjarã jãre mã cátibojarije quenare na tãgooña majiato. Tiere na majiato ñi na yeripã majiriquere na mã joowa,” Diore cã yã ñinucu, mãjaare jenibojañ. To bairona cáti majii, catutuañ majuu aniri cã Macãre catunu catioyupi Dio. Cabai yajiricã cã cãnibato quena cã catunu catioyupi. Cã Macã Jesucristore cã tunu catioñ jõ buipã cã tãna rui rotiri, cã mena carotii cã cacuñupi Dio cã Macã Cristore. To bairo cáti majii majuu aniri mani quenare mani átinemo majimi Dio. Cã Macã Cristore cã cátinemoriarore bairona manire átinemo majimi.

21 To bairi cã menare carotii majuuñre cã cacuñupi Dio cã Macã Cristore. To bairo caroti majuuñre Dio cã cacuñro aperã netoro carotii ãmi Cristo. Carotirã, uparã nipetirã netoro carotii ãmi Cristo. Ati umãrecoo, ati yãtea macana carotirã netoro carotii ãmi. Ati umãrecoo bero cawama umãrecoo cãni paupã quenare carotii majuu anigãmi Cristo.

22 Nipetirijere carotiire cã cacuñupi Dio Cristore. To bairi cãre caapiñjarã quenare carotii ãmi Cristo. Jãicañ camajocã cã rupañre cã carotirore bairona cãre caapiñjarãre na carotii ãmi Cristo.

23 To bairi mani maca Jesucristo rupañ macajere bairona mani bai cã carotirã, cã ya poa macana aniri. To bairi Cristo ati yepa nipetiropã cãre caapiñjarã mena anicõa aninucumi, nipetiropã cãcã aniri yua.

Salvos por el amor de Dios

¹ Nemoopare caroorije jeto muja catugooñanucubajupa. To bairi cabai yajiricu ãnacu cañuuriye cu cátí majiquëtore bairona muja cabaibajupa. Caroa macajere muja cátí ani majiquëjupa. ² Aperá ati yepa macana Diore catugooñaquëñare bairona muja cátí aninucuñupa, Sataná cu caboorore bairona. Cua ati umurecoopare caroorije upau ãmi Sataná. To bairi Diore caapiujaquëñare carotii ãmi caa. ³ To bairi mani quena nipetirá nare bairona caroorije cátinucurá mani cänibapu maya catiriquere Dio manire cu cajooparo jugoye. Caroorije mani cátigari wame jetore mani cátinucuwu. Mani majuuna caroorije mani catugooñari wame jetore mani cátinucuwu. To bairi aperá Diore cabai botioráre bairona mani cäninucuwu. To bairona caroorá mani cāno maca Dio mani popiyeyeboricumi mani quenare. ⁴ To bairona cu capopiyeyebopará mani cänibato quenare seeto manire camai tujuyupi Dio. Seeto camajare cabopaca tujuu aniri seeto manire camaiñupi. ⁵ Caroorije mani cátí aninucuriye wapa cayajibopará mani cänibajupa. Cayajibopará mani cänibato quena manire joomi Dio cu Macu Cristo mena macana mani cäniere. To bairi manire cu camai tujuriye jugori mani canetooñupi Dio manire cu capopiyeyeboriquere. ⁶ Mani canetooñupi Dio Cristo manire cu cabai yajibojarique jugori. Manire cu cabai yajibojaro bero cu catunu catioyupi Dio cu Macure. To bairi mani quenare jõ buipu Cristo mena carotiparáre mani cacuñupi Dio. To bairona manire cacuñupi Dio, Cristo mena

macana na ãamaro ñi, cayajiboparã mani cãnibato quena. ⁷ To bairo caroaro mani átibojari mani bero macanare ape yatea cãniparãre na iñogumi Dio caroaro manire cu camai tuju netorijere. To cõo seeto mani mai tujumi Dio, Cristo manire cu cariabojarique jægori. ⁸ Caroorije mani cátie wapa Dio manire cu capopiyeyebopere mani netoomi Dio, manire mai tujuri. Mani majuuna mani netoo majiquëe. Netoomi Dio Cristo manire cu cabai yaji wapayebojariquere catugooña nucubugorâre. Dio maca mani netoomi caroorije mani cátie cawapaye majiquëna mani cãnibato quena. ⁹ Mani majuuna caroa wame átibana quena mani netoo majiquëe Dio manire cu capopiyeyeboriquere. To bairi jícau mácana, “Yü majuuna caroare átiri yü netoowü. Caroaü yü ã yü,” ï majiquëcumi. Mani majuuna caroarã mani ani majiquëe. ¹⁰ Dio maca manire cajupi caroarã Jesucristo mena cãniparãre. Caroare mani cátiparore bairo ñi Cristo mena cãniparãre manire cajupi. Cajugoyepuña, to bairona caroaro cána na ãamaro ñi, manire cacũñupi Dio, mani cãnipere tugooña jugoyeyeri.

La paz que tenemos por medio de Cristo

¹¹⁻¹² Judío maja mee muja ã. Israel macana cãníquëna muja ã. To bairi judío maja, Israel macana circuncisión cána maca ocoño bairo ñucuma mujaare: “Mani yarã me ãma, circuncisión cátiquëna aniri,” muja ñucuma. To bairi tirumapu muja cãnajere tugooñaña muja. Jesucristo yarã muja cãníquëjupa mai cäre muja caapijaparo jugoye. Israel macana Dio cu cabejericarã mena macana muja cãníquëjupa. To bairi, “Caroaro

m̄jaare yu átibojaḡ, " camajare Dio c̄ caī cūrica wamere m̄ja camajiquējupa. To bairi, "To cānacā r̄m̄ Dio mena caroaro mani anigarā," m̄ja caī t̄gooña majiquējupa. Diore camajiquēna majuu m̄ja cāñupa mai. ¹³ To bairona cajugoyep̄ Diore camajiquēna anibana quena Jesucristo mena macana m̄ja ã yuc̄ra. To bairi m̄ja quena c̄ yarā m̄ja ã, manire c̄ carií re bai yajibojaro maca. ¹⁴ To bairi m̄jaa judío majaa mee quena jā judío majaa mena caroaro mani ame jágo ani maji, to bairo Jesucristo manire c̄ cátibojarique j̄gori. Mani ame mai t̄j̄u maji. Jīca poa macanare bairo mani ã nipetirā, manire c̄ carií re yajibojarique j̄gori. To bairi, "Aperā ãma, nare jā t̄j̄gateebuja," ame ñriquie maa yuc̄ra. ¹⁵ Jā judío majaa tirum̄p̄ jā ñic̄ Moisére Dio c̄ cátí rotiriquire cátí nac̄abugorā aniri judío majaa cāníquēnare jā cabooquetinucuwa. Yuc̄ra Jesucristo yuc̄a t̄eorica pāip̄ bai yajiri Moisé c̄ carotiriquire cátí nac̄abugo jana rotiyupi. To bairi yuc̄ra jā judío majaa, m̄ja judío majaa cāníquēna mani ame t̄j̄teequēe yuc̄ra yua. Ricati poari macana mani cānie to cānibato quena yuc̄a roquere Cristo maca jīca majare bairona mani cacūñupi, c̄ ya poa macana mani cāniparore bairo ñi. ¹⁶ To bairi Jesucristo caroorije mani cátie wapa yuc̄a t̄eorica pāip̄ cabai yajibojayupi. Manire bai yajibojari ricati poa macana mani cānibato quena Dio mena mani caame wada quenoopere carotiyupi Cristo. To bairi c̄ ya poa macanare jīca majaa mani cāno átiri cajugoyep̄ mani caame t̄j̄gaquetajere manire carebojayupi yua.

¹⁷ Jesucristo ati yepap̄ ejari caroa quetire Dio

mena mani cawada quenoopere caĩ buioyupi mani camajare. To bairi mujaa judío maja cāníquēna Dio ch carotiriquere camajiquēna anibana quena muja caapiyupa tie quetire. Jā quena judío maja Dio ch carotirique camajirā quena jā caapiwu tie quetire. ¹⁸ To bairi jā judío majare, mujaa judío maja cāníquēna quenare caroaro mani tugooñami mani Pach Dio. Cristo manire ch cabai yajibojarique jugori to bairo caroaro mani tugooñami. To bairi Espíritu Santore Dio manire ch cajooro Jesucristo mena, mani Pach Dio mena macana mani ani maji. ¹⁹ To bairi muja quena judío maja aniquetibana quena ape majare bairo, chre camajiquēnare bairo muja tujuquēemi Dio yucura. Chre caapiujarā mena macana muja ã muja quena. Muja quena Dio yarāna muja ã. ²⁰ To bairi Jesucristo ch cabue jugoricarā apóstol na caĩrā jā bero, aperā ch ye quetire buiori maja bero muja quena ch yarā ch ya poa macanana muja ã. Ch ya poa macana manire cāni jugoh majuu ãmi Jesucristo. Ch berona ãma apóstol maja, ch ye quetire buiori maja mena. Na bero muja quena ch ya poa macana muja ã, jā judío maja Jesure caapiujarā mena. ²¹ To bairi mani Upah Jesucristo bero macana mani ã mania, nipetirā chre caapiujarā. To bairi juca poa ch ya poa macana caroarā mani bh nutuagarā. ²² Muja quena mani Upah Cristore caapiujarā aniri nipetirā ch yarā mena ch ya poa macana muja ã. To bairi ch Espíritu Santo jugori aninucumi Dio mani mena ch ya poa macana mani cāno maca.

3

Pablo encargado del evangelio para los que no eran judíos

1-2 Yu Pablore Jesucristo ye quetire buiobojari majocu cānipaure yu cacūwī Dio, mujaare judío maja cāníquēnare cabuiopau. Diore mujaare yu jenibojanucu. Camajare Dio na cu camai tujuriere judío maja cāníquēnare yu buio joomi Dio, na quena yu yarā na āmaro ūi. Tiere muja queti apiricarā to bairo Dio yure cu cabuio rotiri-quere. Yucucā presopu yu ã Dio ye quetire mujaare yu cabuio teñarike wapa. 3 Judío maja muja cāníquetibato quena muja camai tujuyupi Dio. Mujaare mai tujuri mujaare cu capopiyeye-boriquere muja canetooñupi Dio. Ti wamere yu camajiowī Dio. Tiere cajugoye mujaare yu cabuio uca joowu ñcoacā. 4 Tie queti joorica pūurore tujurā muja majigarā tiere Dio yure cu camajioriquere. 5 Cristo cu cátibojapere, judío maja cāníquēna quenare Dio cu camai tujupere camaja camajiquējupa tiramupare. Yuu roquere cu Espíritu Santo jugori cu yarā jāre apóstol maja-re, cu ye quetire cabuiorāre jā camajiowī Dio yua. 6 Ocōo bairo majuu ã cajugoyepu camaja na catugooña majiqueta wame: Judío maja mee quena cayajiqueti yeri cugogarāma caroa quetire na caapiujaata. Judío maja na cabairica wamere bairona cugogarāma tiere na caapi ujaata. To bairi na quena judío maja menare Jesucristo ya poa macana anigarāma. Naa nipetirā Dio cu caī cūricarore bairona Jesucristo ye quetire caapiujarāre caroaro na átibojagumi Dio.

⁷ Tie quetire cabuio teñauare yare cacuwí Dio, yare mai tujuri. To bairi caroaro buio majiri-quere yu joonucumi Dio, ocabatiri yu cabuio majiparore bairo ii. ⁸ Aperā nipetirā Cristore caapiñjarā yu netoro cāna āma. Yu maca cawatoa macacu majuu yu ā. Cawatoa macacu yu cānibato quena Cristo ye quetire yu cabuio teña rotiwi Dio. Judío maja cāníquēnare yu cabuio teña rotiwi. Tie quetire caroaro majuu camajare pairo cu cátibojarijere mani tagooña peo majiquée. ⁹ To bairi tiere judío maja cāníquēnare cu cátibojapere camaja nipetirāre yu cabuio majio rotiwi Dio. Cajugoyepu na quenare cu cátibojapere catugooña jugóyupi Dio ati umarecoo macaje niptiro cátacu. Cajugoyepu ti wamere camajare na camajioquējupi Dio mai. ¹⁰ To bairi yucuacā, “Caroaro camajii āmi Dio,” ī majima ati yepa macana, jō buipu umarecoopu macana carotirā quena. Cristore caapiñjarā judío maja, judío maja mee quena jīca poa macanare bairo na cāniere tujurā, “Dio caroaro majuu cácu āmi,” ī tuju majima na nipetirā. ¹¹ Nemoopare cu catugooña jugórica wamere bairona cajupi Dio, mani Upa Jesucristore manire cabai yajibojapare cu joa. ¹² To bairi uwiquēnana Dio mena macana mani ani maji, Jesu manire cu cabai yajibojarique jugori. To bairi cu apañjari cariapena Diore cajenirā mani ani maji yua. ¹³ Ti wame tagooñari yucuacā yu capopiye cātiere tagooñarique paitiqueticðaña. Muja quena Dio yarā muja cāniparore bairo ii Jesu ye quetire mujaare yu cañ buiowu. To bairi tagooña wariñuuña. Mujaare yu caqueti buiorique wapa

presopu yu catamhorije to cānibato quena tugooña wariñuuña.

El amor de Cristo

¹⁴ Muja quenare judío maja cāniquēnare mujaare Dio cu cátibojariquere yu tugooña wariñuu. Tiere tugooña wariñuu, mani Pacu Diore áti nucubugori ejacumu, mujaare yu jenibojanucu Diore. ¹⁵ Mani Pacu ámi Dio, cu ya poa macana mani cāno. Mere cu tupu cāna quenare, mai ati yepapu cānicōarā quenare mani Pacu ámi cāre caapiujarā mani cāmata. ¹⁶ To bairi Diore muja jenibojau ocōo bairo cu yu ī jeninucu: “Dio, jā Pacu, caroau majuu, catutuau majuu mu ã. To bairi mu Espíritu Santore na joori yeri ocabutiriquere na mu joowa. ¹⁷ Cristore na caapi nucubugoro mu Espíritu Santo na yeripure cu ámaro. Cristo nare cu camairore bairona na quena aperāre na maiato. ¹⁸⁻¹⁹ Seeto majuu Cristo camajare cu camairijere na tugooña majiato. Aperā nipetirā mure caapiujarā na quena camajare Cristo cu camairijere na tugooña majiato. Cristo jāre cu camairijere jā tugooña maji petiquēe paro. Dio, mu cāniere na yeripu na mu joowa. Caroau mu cānore bairona caroarā na ámaro ñi,” Diore cu yu ñ, mujaare cu jenibojau.

²⁰ Mani Pacu Dio cátí majii majuu aniri mani yeripure caroare mani áti majimi, caroarā na anicōato ñi. To bairi mani yeripu tugooña tutuarique mani joomi. Mani cajeniri wame netoro, mani catugooñari wame netoro mani átiboja majimi Dio. ²¹ Jesure caapiujarā cu ya poa macanare Jesucristo caroaro cu cátibojarique majiri Diore mani cátí nucubugo wariñuupe ã. Camaja to cānacā yutea

macana to cānacā rumā cāre na cátí nucubugo wariñuupe ã. Amén.

4

Unidos por el Espíritu

¹ Yúa mani Ʉpaꝫ Jesu ye quetire yꝫ cabuio teñarije wapa presopꝫ catamuoꝫ ocōo bairo m̄jaare yꝫ ī buio: Dio cꝫ ya poa macana cꝫ cabejerigarā aniri caroaro cꝫ caboorore bairo anicōña mujaa. ² “Aperā netoro cācꝫ yꝫ ã,” caī t̄gooñarā aniqueticōña. Caroaro aperāre na buioya. Aperā rooro m̄jaare na cátibato quena rooro na áti amequeticōña. Ame mairi aperā ñuuquēto na cátibato quena na tutiqueticōña. ³ Dio Espíritu Santo cꝫ ya poa macana mena, mani mena cꝫ cāno jīcaꝫ punaare bairona cāniparā mani ã. To bairi aperā Diore caapiñjarā mena caroaro ãña. ⁴ Cūre caapiñjarā jīca poa macanare bairona mani ã. Jīcauña ãmi Dio Espíritu Santo mani mena cācꝫ. Dio cꝫ cabejerigarā mani ã. To bairi jīca wamerena cat̄gooñā yuuparā mani ã, caroaro Dio mena mani cānipere. ⁵ Jīcauña ãmi mani Ʉpaꝫ. Jīca wamerena caroa quetire mani apiñja nucubugo, cꝫ ye quetire. Jīca wamerena t̄gooñiarā, “Jesure yꝫ apiñja,” ñrā mani cabautisa rotiwꝫ. ⁶ Jīcauña ãmi Dio mani Pacꝫ nipetirā manire carotii, mani mena cācꝫ.

⁷ To bairo to cabaibato quena Cristo mani cátí majipa wame mani joomi cꝫ cajoogari wameri cōo. To bairi mani nipetirā to cānacāurena mani joomi Cristo ricati wameri mani cátí majipa wamerire. Cristo cꝫ caboorore bairona ricati áti majirica wamerire mani joomi. ⁸ To bairona ñ

ucarique cāñupa Dio Wadariquepu Jesucristo cu
cānipere, ocōo bairi wame:

Jō buipu tunu aácu capāarā Sataná cu cañebatanare
Jesucristo maca cu cacugoparāre na jee
aágumi. Nare cu yarāre caroaro cátí ma-
jipa wameri quenare na joogumi, ī ucarique
cāñupa Dio Wadarique cāni tutipare.

9 To bairi ti wame, “Jō buipu tunu aácu,” Cristo
cu cabairique Dio Wadarique to caíri wame apirā
ocōo bairo mani ī maji: “Jō buipu umurecoopu
cānacu ati yepapu ejaricumi. To bairi ati yepapu
buiacu cabopacoure bairo cabaiyupi,” mani ī maji,
cu catunu aátajere queti apirā. **10** To bairi ati
yepapu camajocu cabuiaricu majuu jō buipu nipe-
tirijere rotigu catunu wamucoajupi. To bairi cu
majuuna ati umurecoo nipetirije Upau ãmi. **11** To
bairi to cānacārena cāre caapiujarāre na joomi
Cristo ricati wamerire, na áti majiato ī. Jīcaarāre
apóstol majare na cūmi. Aperāre, Dio ye que-
tire na buio majioña ī na cūmi. Aperāre, Jesu
ye quetire caroa quetire buio teña majioña ī na
joomi. Aperāre cāre caapiujarāre, “Caroaro mani
anigarā,” na cajugo īparāre na joomi Cristo. Aperā
tunu nare Dio Wadariquere na caí bueparāre na
joomi Cristo. **12** To cānacāna cāre caapiujarārā ri-
cati áti majiriquere mani joomi Cristo. To bairo
cu cajooro ricati mani ame átinemo maji, cu ya
poa macana nipetirā cu caboorore bairona mani
cāni nutuaparore bairo. **13** To bairo ãnaa mani
nipetirā to bairo jetona Dio ye quetire apiuja
nucubugori cu Macu Cristore caroaro cu majirā,
caroaro catugooña majirā, caroacu majuu cu cānore
bairo cāna mani anigarā mani quena. **14** To bairi

cawimarā na catugooña ajurore bairo mani ani-quetigarā. Aperā ape wame ricati, “Ocōo bairo ã Dio ye queti,” na cañori wame na cañ buioro nare mani apiajaquetigarā. “Caroaro t̄ajoori wame na mani buiogarā,” cañorā na cānibato quena na mani apiajaquetigarā. ¹⁵ Cariape macaje jetore api nacubugori tiere mani mena macanare mani ame buiogarā, ame mairi. To bairo caroa macaje ame buiori mani ɻpaʉ Cristo caroaʉ cʉ cānore bairo mani ani ɻja aágarā. ¹⁶ Cristo ya poa macana mani cāno to cānacāuna mani cáti majipa wamerire mani cacūñupi Cristo. To bairona camajocʉ rupaʉre bairona to cānacā wame to cáti wame mena áti majimi. To bairona Cristo ya poa macana aniri ame mairi to cānacāuna mani ame átinemogarā, mani cáti majiri wamere áticōari. To bairi mania Cristo ya poa macana cʉ caboorore bairo mani nipetirā caroaro mani ani nutuagarā.

La nueva vida en Cristo

¹⁷ To bairi mani ɻpaʉ Jesucristo, “Ocōo bairo na ñ buioya,” yure cʉ cañ rotiro mena ocōo bairo mʉjaare yʉ ñ buiopa: Cajugoyepʉ Diore camajiquēna ãnapʉ mʉja cānibatatore bairo, Diore camajiquēnare bairo aniqueticōña yucʉra. Na majuuna na catugooñari wame cawatoana átinucuma Diore camajiquēna maca. To bairi ñe unie mano áticōa aninucuma, caroare catugooña majiquēna aniri. ¹⁸ Na majuuna Diore booquetiri cūre majiquēema. To bairi Dio cʉ caboorore bairona cāna me ãma. ¹⁹ Bobo majiquetiri seeto rooro áti epenucuma. To bairi to cānacā wame caroorije na cátinucurijere boo netocōama. ²⁰⁻²¹ Mʉja

maca cariape wame caroa quetire aperā m̄jaare na camajioro m̄ja caapiñjayupa. To bairi Jesucristo ye quetire apirā, “Diore camajiquēnare bairo cāníquetipe ã,” m̄ja ī majircarā. [22-23](#) Jesure apiñjagarā j̄ugoye rooro m̄ja t̄gooñanucuricarā. “Caroaro yu aniḡ atie caroorije yu caboori wame yu cāpata,” cañorijere m̄ja t̄gooñanucuricarā. To bairona t̄gooñabana rooro m̄ja ãnana. To bairi tiere cajugoye rooro m̄ja cat̄gooñabatajere rerī caroa macare t̄gooñaña yuc̄ra. Cawama yeri cat̄gooñape ã yuc̄ra. [24](#) Cariape cānie c̄u ye quetire caapiñjaricarā m̄ja cāno cawama wame caroare cat̄gooñaparāre m̄ja cājupi Dio, c̄u caboorore bairo caroarā m̄ja cāniparore bairo ii. To bairi yuc̄ra c̄u ya wame c̄u cat̄gooñarore bairona t̄gooñaña m̄jaa.

[25](#) To bairo t̄gooñari jocarāna īqueticōaña. Cariape jeto ame ī buioya, jīca poa macana Jesu yarā mani ã īrā.

[26](#) Punijinirā, caroorije átiquēja. Yoaro punijini-queticōaña. Yoaro mee m̄ja capunijinirijere reya.

[27](#) To bairo yoaro m̄ja capunijini t̄gooñaata ricati caroorije m̄ja cāto átibōmi Sataná. To bairona m̄jaare c̄u cajugo átipere c̄u apiñjaqueticōaña.

[28](#) Cajee rutirā to cōona na jee ruti janacōato. Na majuuna caroaro na paacōato, apeye uniere c̄ogogarā, aperā cabopacarā quenare na átinemogarā.

[29](#) Caroorije wadaqueticōaña. Cañuuriye macare īña aperāre, caroaro na cat̄gooña ocab̄tiparore bairo na quena. Caroaro na cat̄gooña wariñuupa wamere bairo caroaro na īña. [30](#) Dio c̄u Espíritu Santore m̄ja cajoyupi m̄ja quenare, yu yarā

majuu ãma ñi. To bairo quena caroorã mena na yu capopiyeyebopere yu canetooparã ãma ñiri cajooypyi Dio cu Espíritu Santore. To bairi Dio Espíritu Santo cu catujoqueti wame átiquëja. To bairo muja cápata tøglooñarique paiboñmi.

31 To bairi tøglooña punijiniriquere reya. Aperãre muja catuti pairije quenare reya. Ame wada paqueticoña. Aperãre caroorijere buio batequeticõaña. Na punijini tøjutee átiqueticõaña. **32** Caroaro maca caame jügo ãna anicõaña. Ame mai tøjuya mujaaa. Aperã rooro mujaare na cátie to cãnibato quena na cátajere majirioya. Rooro muja na cátierie tøglooñaquëja. Dio quena caroorije mani cátaje to cãnibato quena manire camajiribojayupi, Cristo mani ye wapa cu cabai yajibojarique jügori. To bairi Dio mani ye wapa cu camajirioricarore bairona muja quena aperã rooro mujaare na cátierie na majiribojaya.

5

Cómo deben vivir los hijos de Dios

1 Dio punaa, cu camairã aniri caroaro cu cãnore bairo ãña. **2** Aperãre camairã ãña, Cristo manire cu camairore bairona. Cristo mani mairi manire cabai yajibojayupi cu majuuna, caroorije mani cátie wapa. To bairo manire cu cátibojaro Dio cu catuju waríñuuñupi.

3 To bairi Jesucristore caapiñjarã aniri áti epericarã cátiqueticõaña. To cãnacã wame caroorije tøglooñaqueticõaña. Apeye unie tøju boo netoqueticõaña. **4** To bairo quena áti epericarã cátajere ame i wada peni

epequeticōaña. Catugooñarique manare bairo caroorije wadapeniqueticōaña. Dio manire cū cátibojarije macare caī wariñuu wadapenipe ã.

⁵ Cáti epericarācūna, ape wame caroorije cána quena, apeye uniere catujū boo netorā quena manigarāma Cristo mena, mani Upau Dio mena cū carotiri paū cānopure. Mere tiere caroaro mūja majituga. Aperā wericarā Dio cāniquēnarena cajeni nacubugorā rooro na cátore bairona áama apeye uniere catujū ugoorā. Na quena Diore áti nacubugorāna apeye unie macare cáti nacubugorā ãma, na cacugope jetore tūgooñari. ⁶ To bairona Diore cabai botiorāre ti wameri cānare na popiyeyegūmi Dio. To bairi aperā, “To bairona átaje caroorije me ã,” na cañorijere apiqueticōaña.

⁷ Na bapa cātiqueticōaña to bairo cānare.

⁸ Mūja quena cajugoyepū Diore camajiquēna mūja cānibajupa. Yuc̄ra mani Upau Jesu mena macana mani ã, cāre camajirā aniri. To bairi Dio cū caboorore bairo cáti aniparā mani ã. ⁹ Diore camajirā caroare cátinucurā ãma. ¹⁰ “¿Di wame maca yū cátó cū tujū wariñuubocuti Dio?” caī tūgooñarā ãma Diore camajirā. ¹¹ To bairi Diore camajiquēna maca cañuuquētie na cátó na bapa cātiqueticōaña. Caroorije na cátó ocōo bairo maca na ïñā: “Átiquēja. Tie caroorije majuu ã,” na ïñā. ¹² Aperā na catujūquētopū caroorije na cátierie wadapeniricaro seeto boboobuhja. To bairi, “Ocōo bairi wame áama,” na ïqueticōaña aperāre. ¹³ To bairi narena Dio Wadarique na caī buiope ã. Dio Wadarique na ï buiori, “To bairo cátiquetipe ã,” na mūja caīro, “Rooro majuu jā átinucu,” ï

bobo t^ugooñagarāma. **14** To bairona ūrique ã Dio Wadarique ocōo bairo ūro:

Tugooña majaa catquetibana caroorije m^uja átinucu. Caroaro m^uja ani majiquée, Cristo ye quetire majiquetibana. To bairi tugooña majaa catíya, Cristo yere m^ujaare c^u camajiparore bairo ūrā, ūrique ã Dio Wadariquep^u.

15 To bairi caroaro tugooñaña m^uja cānipere. Diore camajirā anibana quena cūre camajiquēnare bairo aniqueticōaña. Cūre camajirāre bairo maca ãña. **16** Ati r^um^uri camaja rooro áti aninucuma. To bairi m^uja maca to cānacā r^um^u caroaro ani tugooña ocabatiya. **17** Mani Upa^u Dio c^u caboorijere tugooña majiñā mani cātipere. Catugooña majiquēnare bairo maca aniqueticōaña. **18** Eti cumuqueticōaña. To bairo m^uja cápata m^uja rooye tuaborā. Dio Espíritu Santo macare c^ugori c^u caboorije áti anicōaña. **19** To bairo caroaro aniri Dio caroaro c^u cāniere ame buioya. To bairo ame buiori yeri wariñuurique mena mani Upa^u Jesucristore ū wariñuu bajaya. **20** To cānacā ni mani Pac^u Diore, “Ñuub^uja, caroaro m^u áa. Y^u Upa^u Jesucristo ya^u aniri to bairo jeto m^u y^u ū wariñuu,” Diore c^u ñ^ua nipetiri wame. Caroaro m^uja cabairi wame, cañuuqueti wame m^uja cabairi wame m^ujaare to cabaibato quena, to bairona Diore c^u ū wariñuuñā.

La vida familiar del cristiano

21 Cristore c^u cátí nucabugorā aniri ame áti nucabugoya m^uja quena. **22** M^ujaa cāromia m^uja manap^uare na áti nucabugoya mani

Upa Cristore mani cáti nucubugorore bairona.
23 Caumua maja nəmoa romirire caroaro cajugo aniparā maja ã, Cristo cäre caapiujarãre mani cü cajugo ãnore bairona. Cü ya poa macana mani cayajiboriquere canetoobojaricü ãmi Cristo.
24 To bairi Cristo ya poa macana manire cü carotirijere cáti nucubugoparā mani ã. Cü mani cáti nucubugoparore bairona cāromia quena na manapuare na carotirore bairona na cáti nucubugoparā ãma na quena.

25 Maja quena caumua maja nəmoa romirire na maiñā, Cristo ya poa macanare manire cü camairore bairona. Mani mairi cabai yajibojayupi manire. **26** Cañuurā, cü yarā jeto mani cāniparore bairo ñi manire cabai yajibojayupi Cristo. To bairi caroorije mani cátajere manire camajiriobojayupi. Oco mena ugueri coje rericarore bairona caroorije mani cátajere careyupi Cristo cü ye quetire mani caapiujaro. **27** Cü majuuna jīca poa macana, cañuurā majuu cü cacugoparore bairo ñi manire cátibojayupi Cristo. To bairi caroorije mana, cabai bui cütiqüēna mani anigarā cü ya poa macana. **28** To bairona caumua maja nəmoa romirire na camaiparā maja ã. Maja majuuna maja camairore bairona na camaipe ã maja nəmoa romirire. Jīcaü cü nəmore mairi cü majuuna cü rupaüre cü camairore bairona cōre camaiii ãcumi. **29-30** Noa na majuuna na rupaürire cateerā manama. Mani majuuna mairi mani rupaüri nuricarore bairo mani ugá. Caroaro mani cote mani rupaürire. To bairona Cristo cü yarare mani mairi mani cotemi cü ya poa macana mani cāno maca. **31** To bairona jīcaü caroaro cü nəmo mena cü cāniere cariape ñ

ucarique ã Dio Wadariquepã ocõo bairo ūro: “Jīcañ
caumã cãromiore ne, cã pacã, cã pacore tãgooña ja-
nari cã nãmo mena cã cãnipe macare catãgooñapañ
ãmi. To bairi co mena aniri pãgarã na cãnibato
quena cã nãmo mena jícañre bairona ãma cã nãmo
jãa,” ūcarique ã. ³² Ati wame majiriobuña mÃjaare
yã cañ buiorije. To bairo to cãnibato quena mÃjaare
queti buio majioñ yã áa, Cristo cã ya poa macana
mena cã cãniere na majiato ñi. ³³ To bairo quena
mÃjaare yã ū buio mÃja cãniere. To cãnacãuna mÃja
nãmoa romirire na maiña mÃja majuuna mÃja
camairore bairona. Cãromia mÃja quena mÃja
manapuare na áti nãcãbãgoya mÃjaa.

6

¹ Cawamarã, caniñaa mÃja pacuare, mÃja pa-
coare na cañrijere na áti nãcãbãgoya. Mani
Upañ Jesucristore caapiñjarã aniri na quenare
cáti nãcãbãgoparã mÃja ã. ²⁻³ Tiruñtuñpã Dio cã
carotiriquere ū cûñ ocõo bairo cañ cûñupi Dio:
“MÃja pacuare, mÃja pacuare na áti nãcãbãgoya.”
Ti wamere rotii, “Nare mÃja cáti nãcãbãgoro
caroare mÃjaare yã joogu, yoaro mÃja catigarã
ati yepapure,” cañ cûñupi Dio. Ape wameri ti
wame jügoye macá wameri rotibacu quena, “Tiere
caapiñjarãre caroare na yã joogu,” cañquêjupi Dio.

⁴ MÃjaa capacua mÃja punaare tutibãjari na
rotiri na capunijiniro na ūquêja. Caroaro maca na
buioya, mÃjaare na cabai netoo nãcaquetiparore
bairo ūrã. Mani Upañ Jesucristo cã caboorore bairo
na rotiya caroaro na catãgooña nãcãbãgoparore
bairo ūrã.

5 M舅aa, aperãre na paabojari majaa m舅ja սparãre caroaro na api նսւբագորի na carotirijere ája. Ocõo bairo տugooñaña m舅ja yeripware: “Ani yure carotii camajocւ cւ cãnibato quena Cristo yere yւ catugooñarore bairona cւ տugooñari caroaro cւ yւ paabojagւ.”

6-7 “Yւ սpaս cւ cat舅jaro tutuaro yւ paagւ, ‘Caroaro capaabojaս պահմի,’ yure cւ ի տ舅jato լի,” ի տugooñaqueticõaña m舅aa. M舅aaare carotirã na cat舅juequetibato quenare to bairona caroaro paaya. Ocõo bairo maca ի տugooñaña: “Yure caroti majuu պահm Cristo maca. To bairi Dio cւ caboorore bairo yւ paabojagւ yւ սpaսre,” m舅ja yerip ի տugooñari wariñurique mena na paabojaya. “Camajocւ yure carotii tutuaro yւ capaarijere yure cւ տ舅j wariñuato,” ի տugooñaquejա.

8 Mani Սpaս Dio caroaro mani cáto caroare mani joogum. Aperãre capaabojarãre caroare na joogum Dio caroaro na cáto. Aperã quenare na majuuna capaarique cñare to bairona caroare na joogum Dio caroaro na cáto. To bairi ti wame տugooña majiri caroaro ája, “Dio maca yure carotii պահm,” ի տugooñari. **9** M舅aa capaabojarí majacunna to bairona caroaro na ája m舅ja quena. “M舅aaare yւ զեղս caroaro m舅ja capaaquêpata,” na ի tutiqueticõaña. M舅ja quena nare bairona սmurecoop սaupaսcunna m舅ja պ. Cւ maca jîcaro cõona mani տ舅jumi Dio paari majare mani nipetirã ati yepa cñare.

Las armas espirituales del cristiano

10 Yւ yarã, ocõo bairo m舅aaare yւ caï queti buio տjari wame ocõo bairo m舅aaare yւ ի: Mani Սpaս

Jesucristo cu catutuarije jugori tugooña ocabutiya. Cu yarã muja cãno maca muja átinemogumi. To bairi cu catutuarije mena tugooña ocabutiya.

11 Sataná mani iñtori mani iñ rooye tuugami, caroorije maca na áparo iñ, Dio ye macare na apiqueticoato iñ. To bairi Dio cu catutuarije mena tugooña ocabutiya. Ocõ bairo ã: Polisia o surara maja come ajero jañama, nare caquëgarã nare cajlagaro beju to puaqueticoato iñrã. To bairona, Sataná yure cu rooye tuuqueticoato iñrã, Dio cu catutuarije mena, muja cu cátinemorije mena tugooña ocabutiya mujaa. **12** Mani maca polisia o surara camaja caroorã mena na caame átore bairo mani átiquëe. Mani macare carooye tuugarã ãma Sataná yarã, caroorije na áparo cañrã. Wätia maca cabauquëna caroorije uñparã, cañuuquëtiere carotirã ãma manire carooye tuugarã. Ati yepa bui cãna ãma, caroorije áti roti teñarã. Mani camaja netoro catutuarã ãma. **13** To bairi Dio cu catutuarije nipetiri wame mena, yure cu átinemocõato iñ tugooña ocabutiri caroorije Sataná mujaare cu cañwadajãri rumu uno muja nuca majigarã. To bairona nipetiri wame caroaro cayeri tugooña quenooye weoricarã aniri Satanáre cu muja netoo ocabutigarã. **14** Jícañ surara cu wapana cãre na caquëgari pañ netoo majimi come ajero jañari. Ti ajero jiamu carupa wẽ mena. To bairo átiri cu cotiapu come ajero wamoa ajero unie jañami, cu wapana cãre na cajarero to puaquëticoato iñ. To bairona muja quena Sataná yarã wätia na cañorijere muja netoo majigarã, Dio ye queti macare cariape macajere api majiri. Caroorije mujaare cu cawadajãro muja netoogarã, Dio

cu caboorore bairo caroare catugooñarã aniri. ¹⁵ To bairo quena surara aágu quenoo weori rapo jutii catami. To bairona muja quena caroa quetire Dio ye quetire buiora aágarã caroaro catugooña jugoyeyerã ãña. Caroa ãnajere camajare Dio cu cajoogarijere buiora aágarã caroaro tugooña quenoo jugoyeyeya mujaa. ¹⁶ Ape wame quena nemi surara pairi joroa come joroare. Temurica yucure cari yucure capunirije cati yucu quenare care na catemuro ti joroa mena boca pa camotami. To bairona muja quena Sataná mujaare cu carooye tuugarijere netoogarã Cristo mujaare cu cátinemorije mena tugooña ocabatiya. ¹⁷ Cu rapoa quenare pejami surara come coro cu rapoa na caparo capuaquetiparore bairo ñ. To bairona Sataná muja catugooñarijere cu carooye tuuquetiparore bairo ocõo bairo tugooñaña: “Caroorije yu cátaje wapa yu capopiye tamubopere yu canetoowí Dio,” í tugooñaña. Ape wame quena nemi surara jarerica paire cu wapanare na quẽ netoo nucagu. To bairona Satanáre netoo nucagarã caroaro tugooñaña Dio Wadariquere, cu Espíritu Santo manire cu cacuriquere. ¹⁸ To cánaca wame ána Diore jeni nucubugori, “Yu átinemoña,” cu ña. Dio Espíritu Santo mujaare cu cajeni rotirore bairona Diore cu jeniya. To bairi caroaro tugooña maja catiri Dio yarã nipetirãre na jenibojaya Diore, “Yu apiquẽcumi Dio,” í tugooñaquẽnana. ¹⁹⁻²⁰ Yu quenare Diore yu í jenibojaya cu ye quetire camajare yu cabuiopere. Cu ye quetire yu cabuiio teñarije wapa atopu presopu yu cajowã. To bairo presopu tamubacu quena uwiquẽna

cu ye quetire yu cabuioparore bairo Diore yu ñ jenibojaya. To bairo Diore yure ñ jenibojari ocõo bairo cu ñña: “Dio, Pablo mu ye quetire cu cabuiori pau cu átinemoña. Cajugoyepuña tie queti judío maya cāníquenare nare mu canetoo catiopere camajare mu camajioquëjupa. To bairi tie quetire Pablo nare cu cabuiopa wamere cu ñ majioña. Cu uwiqueticõato ñi cu átinemoña mu ye quetire nare cu cabuioro,” Diore cu ñña, yure ñ jenibojarã.

Saludos finales

21 Yu ye quetire, yu cabairije nipetiro muja ñ buiogumi Tíquico cawamecucu. Mani yau, mani camaii ãmi. Caroaro yu átinemonucumi, mani Upau Jesucristo yere buio teñanemou. **22** To bairona jã cabairije Tíquico nare cu buioato ñi muja turpu cu yu joo, caroaro na tugooñaato na quena, mujaare ñi. **23** Mani Pacu Dio, mani Upau Jesucristo quena caroaro apiuja nucubugoriquere mujaare cu joato cu yarã, cu yere catugooñarãre. Caroa cāni wariñuurã, caame mairã muja cāniparore bairo mujaare cu áparo Dio. **24** Caroare mujaare cu joato, mani Upau Jesucristore tugooña ajuquenana cure camairã muja cāno maca.

To cõona ã.

Dio Wadarique New Testament in Tatuyo

copyright © 2009 Wycliffe Bible Translators, Inc.

Language: Tatuyo

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tatuyo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
59c2c435-882f-50ed-ac19-c0c3ea5ab3c0